

Tillaga	A 1961/UVU
Flytjandi	Flokkahópur miðjumanna
Afgreiðsla	Norræna hagvaxtar- og þróunarnefndin

A 1961/UVU Þingmannatillaga um norræna þekkingarmiðstöð um meðhöndlun gervigreindar

Flokkahópur miðjumanna leggur til að Norðurlandaráð beini þeim tilmælum til Norrænu ráðherranefndarinnar

að stofna norræna þverfaglega þekkingarmiðstöð um þróun viðmiðunarreglna, stefnumótunartillagna og bestu venja í tengslum við meðhöndlun og notkun gervigreindar.

Bakgrunnur

Gervigreind er ein sú tækniþróun sem hvað mestar vonir eru bundnar við í dag. Gervigreindin getur þó gjörbylt samfélaginu og haft umtalsverðar siðferðislegar, félagslegar og efnahagslegar áskoranir í för með sér.

Til að hámarka ávinninginn og lágmarka áhættuna af þróun gervigreindar þurfa Norðurlöndin að samræma aðgerðir sínar á háu stigi með virkari hætti. Við teljum þess vegna að Norræna ráðherranefndin ætti að stofna þverfaglegan vettvang með fulltrúum háskólasamfélagsins, atvinnulífsins, stofnana og félagasamtaka til að samræma meðhöndlun og notkun okkar á gervigreind. Vettvangurinn ætti að gegna hlutverki vettvangs fyrir þekkingarmiðlun, samstarf og stefnumótun með áherslu á manneskjumiðaða hönnun, réttlæti, gegnsæi og ábyrgð. Heitið „þekkingarmiðstöð“ er því við hæfi.

Þekkingarmiðstöðin myndi til dæmis skipuleggja sérfræðingahópa sem einblína á afmörkuð svið gervigreindar, svo sem siðferði, regluverk, menntun, nýsköpun og öryggi. Þessir hópar skulu samanstanda af sérfræðingum sem vinna saman að því að móta viðmiðunarreglur, stefnumótunartillögur og bestu venjur. Hóparnir gætu leitað til fyrirliggjandi landsbundinna og alþjóðlegra verkefna á sviði gervigreindar til að nýta þekkingu þeirra og reynslu. Þekkingarmiðstöðin gæti með stuðningi sérfræðingahópanna skipulagt reglulega viðburði, málþing, vinnustofur og ráðstefnur til að stuðla að umræðum og samráði um þau málefni gervigreindar sem eru efst á baugi hverju sinni fyrir einstaka markópa. Miðstöðin gæti með því einnig greint og þróað menntaáætlanir og færniþróun.



Með þessu gæti norrænt samstarf um gervigreind verið sameiningarafl fyrir Norðurlöndin að því er varðar viðbrögð við áskorunum og tækifærum á sviði gervigreindar. Norðurlöndin hafa lengi verið leiðandi í tækniþróun og hið sama ætti að eiga við um gervigreind.

Kaupmannahöfn, 4. september 2023

Hanna Katrín Friðriksson (V)

Heidi Greni (Sp)

Jouni Ovaska (cent)

Anna Falkenberg (Sb)

Kathrine Kleveland (Sp)

Hafdís Hrönn Hafsteinsdóttir (F)

Ulrika Liljeberg (C)

Ola Elvestuen (V)

Bella Forsgren (gröna)

Simon Holmström (HI)

Rebecka le Moine (MP)

Guðmundur Ingi Kristinsson (FF)

Kjerstin Wøyen Funderud (Sp)

Johan Dahl (Sb)

Eva Biaudet (sfp)

Mikael Lindholm (ÅC)

Michael Aastrup (V)

Markku Siponen (cent)